



Moderamen
GBKP

Ibadah



keluarga

Jumat, 01 Mei 2020

PERSIKAPEN

Wari enda asa bancina simabai ibadah eme sekalak anak, singiahken rende, mabai ertoto, ngiahken responsoria ras ngiahken melasken pertoton Tuhan dengen ngaturken perdalanen ibadah seh dung.

RENDE Enden Pujin "Bapa Engkau Sungguh Baik" (iendeken 2x)

Bapa Engkau sungguh baik, kasihMu melimpah dihidupku
Bapa ku bert'rimakasih, berkatMu hari yang Kau sediakan bagiku
Kunaikkan syukurku, buat hari yang Kau b'ri
Tak habis-habisnya, kasih dan setiaMu
S'lalu baru dan tak pernah, terlambat pertolonganMu
Besar setiaMu, di s'panjang hidupku

ERTOTO MENAKEN IBADAH

RESPONSORIA : Kiniulin Tuhan kempak bangsaNa (Masmur 106 : 1-3)

- Bapa : Pujilah Tuhan! kataken bujur man baNa sabab mehuli kap la
Anak : Keleng ateNa tetap rasa lalap
Nande : Ise ngasup nuriken perbahanenNa simbelin, dengen mereken pujin sipatut man baNa?
Anak : Malem kel ate kalak singikutken perintah-perintahNa
Kerina : kalak sikatawari pe ngelakoken si benar

RENDE KEE No.201 : 1 "Malem Ate Tuhu-Tuhu" (iendeken 2x)

Malem ate tuhu-tuhu, siernalem man baNdu
Kam Dibata sinjadiken, langit ras doni enda
salsaliNdu pusuh kami, maka t'rangNdu tergejab
kalak si tek la kap bene, ban kelengNdu e tetap

RENUNGEN

(Johanes 15 : 12)

(iogeken sekalak anak)

Lit me anak adi isuruh orangtuana kenca ia mis tulisna bas kertas asakai upahna. Isuruh napu tulisna upahna Rp.2.000, isuruh nuci piring tulisna Rp.2.000, isuruh ngambekken sampah tulisna Rp.1.000, isuruh erlajar tulisna Rp.5.000, isuruh jaga agina tulisna Rp.10.000. Emaka kenca dung dahikenna kai siidahikenna ndai itotalna upahna e, mis katakenna man nandena, nina : Mak... hari ini total utang mamak samaku Rp. 20.000 ya. Mis pindona, adi la ibere mis denge-denge ia janah nina : besok aku MOGOK KERJA. Erkiteken nggo rusursa bage ibegi bapana cakapna man nandena, emaka nina bapana man anakna ndai, nakku la mehuli si banndu e, gelah ietehndu, paksa kam sakit, kam itambari nandendu ku dokter, la pernah ipindona senndu kerina GRATIS, guna man ras minemndu tep-tep wari e pe GRATIS, nukur baju ras sepatundu GRATIS, uang sekolahndu GRATIS, kerina GRATIS nakku. Emaka dungna rukur anak ndai tuhu kel kata bapangku enda me. Keleng kel ate bapa ras nandengku aku, nggo melala kel siiberekenna man bangku, labo pernah ipindona galarku.

Dungna..ibuat anak ndai kertas ndai jenari ibuatna tip-ex hapusna nominal utang nandena ndai jenari tulisna ije : LUNAS. Nce, mis dahina nandena ras bapana ndai nina : Mak...Pak...aku sayang sama kam. (naktak iluh nandena idakepna anakna ndai,malem ate bapana iangka anakna pengajarena).

Renungen wari enda ningetken Keleng ate Dibata man banta. Keleng ate Dibata lebihen asangkan keleng ate nande ras bapanta man banta.Pemere Dibata simpar bas geluhta kerina iberekenNa alu GRATIS.Dosanta pe nggo itebus (LUNAS).Erkitek si e me patut sidahiken kai siiperentahkenNa man banta eme : "Sikeleng-keleng min kam bagi Aku engkelengi kam". Stay at Home (bekerja,belajar,beribadah dari rumah) erkitek wabah corona la erbanca kita la siangkan bas jabu. Gia lit penggejaben mengel-ngel (BOSAN) i rumah saja,la erbanca kita sitoganen erkitek dahin-dahin irumah.Sidahiken dahinta alu kreatif,si isi waktu alu hal-hal si produktif. Alu bage jabunta pe nggejabken keriahen si rehna bas Tuhan nari.

Corona cepatlah berlalu. Amin

Pertoton Syafaat

(ibabai Bapa/Nande)

Topikna :

Ertoto gelah ibas jabu tetap sikeleng-kelengen
 Ertoto gelah wabah corona (Covid 19) pedas berlalu
 Ertoto guna Presiden JOKO WIDODO ras wakil Presiden MA'RUF AMIN
 bage pe kabinet kerja tetap sehat ras megegeh ibas ngaturken
 penanganan Corona i Indonesia.
 Ras sidebanna

RENDE KEE No. KEE No.187 : 2 "Gegeh Kuasa kesah siBadia" (iendeken 2x)

Adi dua telu kalak gia,tutus pulung i bas gelarNa
 Reh me la kutengah-tengahna, sabab e nggo ipadankenNa
 O,Tuhan kupindo Kamlah saja, nemani geluhku tiap jam
 Amin tah kentisik saja gia,la ateku erleka ras Kam.

Pertoton Tuhan

Kenca dung Ibadah

Asa bancina setiap anggota keluarga melasken sada kalimat ntah lebih guna melasken kata-kata pujin (apresiasi positif),banci itujuken man salah sada anggota jabu ntah pe man kerina anggota jabu sebagai aksi nehken sikeleng-kelengen i bas jabu.